

Komne werē vō den engeln empfangē
in den hymel/ zū zytē so es aller ding
schöpffer gefallen hett/ **A**llda sy d ab
geworffnen engel lucifers vnd syner
mitgesellen stett erfüllt hettē/ **E**s mai
nēt ouch etlich lerer vñ redent/ d̄ die
mēschen die ietz verdampnet werden
vñ vō der selben zyt bis ietz/ vñ zū
end der welt verdāpnet sind vñ wer-
den/ nit an d̄ liecht komē werē/ **A**ber
mā sagt gwonlich laß rastē d̄ dir ze
schwer sye/ forsch nit d̄ dir ze hoch sye
dise ding sind gottes willē nach zege-
ben/ vñ vō vns klainfügen mēschlūn
die vō ungestümē windē vñ wellen
d̄ser welt teglich bewegt vñ geübt wer-
dē/ nit ze erforschen/ **D**an d̄ almechtig
gott die ding verhalt i kaimlichait sy-
nes hertzē/ die er ouch sinē vfferweltē
nit geoffnet hat/ wir sollē nit zwifeln
Dan d̄ die götlich mayēstet alle ding i
6 ij